

## NAQQIUT

Taarsissavaa siunnersuut ullulerneqartoq 10. august 2018

### Tunngavilersuut

UKA 2018/196-imi kukkunersiuisoqarneratigut § 4 allannguuteqartinneqarpoq.

**Uunga siunnersuut: Pigisanit pissarsiat ilaasa akileraaruserneqartarnerat pillugu Inatsisartut Inatsisaata allanngortinneqarneranik Inatsisartut inatsisaat nr. xx, xx. xxx 2018-imeersoq**  
(Akileraartussaasut ilaneqarnerat aamma inatsisip atuuffianik millisitsineq)

### § 1

Pigisanit pissarsiat ilaasa akileraaruserneqartarnerat pillugu Inatsisartut inatsisaanni nr. 37, 23. november 2017-imeersumi makku allannguutigittinneqarput:

**1. § 1, imm. 1,** ima oqaasertaqarpoq:

”Soraarnerussutisiaqarsinnaatitaasut aningaasarsianit akileraarutit pillugit Inatsisartut inatsisaanni (akileraartarnermi inatsimmi) § 1, imm. 1, nr. 1 imaluunniit 2, imaluunniit imm. 2 naapertorlugu akileraartussaasut, aammalu marloriaammik akileraarnissaq pinngitsoorniarlugu isumaqatigiis-summi aalajangersakkat naapertorlugit naalagaaffimmi takornartami, Danmarkimi imaluunniit Sa-valimmiuni angerlarsimaffeqartutut isigineqanngitsut, inuunermut sillimmasiissutit aamma soraarnerussutisiaqarnissamut aaqqissuussinerit aningaasarsianit akileraarutit pillugit Inatsisartut inatsisaanni § 39 a, imm. 1-imi 2-milu piumasaqaatinik naammassinnittut, aamma aaqqissuussinerit danskit soraarnerussutisiaqarnissamut aaqqissuussinerit il.il. akileraaruserneqartarnerat pillugu inatsisaanni § 53 A-mi pineqartut iluanaarutaannit akileraarutininik, Inatsisartut inatsisaat manna malillugu akiliissapput.”

**2. § 3** malillugu qulequtaq ”*Paasissutissanik nalunaarutiginninneq*” atorunnaarsinneqarpoq.

**3. § 4** imatut oqaasertaqarpoq:

”§4 § 3 apeqquataatinnagu pissarsiat soraarnerussutisiaqalernissamut aningaasaatit ilaannit pissarsiat akileraaruserneqartarnerat pillugu Inatsisartut inatsisaanni § 3 malillugu naatsorsorneqarsinnaapput. § 3 malillugu imaluunniit Soraarnerussutisiaqalernissamut aningaasaatit ilaannit pissarsiat akileraaruserneqartarnerat pillugu Inatsisartut inatsisaat § 3 malillugu pissarsiat naatsorsorneqarnissaannik toqqaaneq, ukiumi isertitaqarfiusumi tullermi allanngortinneqarsinnaanani pisussaaffiliivoq. Ukiumi isertitaqarfiusumi akileraartussaataitanerup

atuutilerfiani imaluunniit atorunnaarfiani, ukioq isertitaqarfiusoq qaammatisiutit malillugit ukiumi akileraartussaataaffiusumi ilaavoq.

*Imm. 2.* Aaqqissuussami pissarsiat amigartoorutaasut ukiumi isertitaqarfiusumi pineqartumi aammalu ukiuni isertitaqarfiusuni 10-ini tullerni aaqqissuussami ataatsimi pissarsiani sinneqartoorutaasuni taamaallaat ilanngaatigineqarsinnaapput. Pissarsiat amigartoorutaasut, ukiuni isertitaqarfiusumi siusinnerusumiittumi pissarsiani sinneqartoorutaasuniitinneqarsinnaanngippata, aatsaat ukiumut isertitaqarfiusumut kingusinnerusumiittumut ingerlatinneqarsinnaapput.”

**4. § 8, imm. 1,** ima oqaasertaqarpoq:

”Naalakkersuisut inuunermut sillimmasiissutinik aamma soraarnerussutisiaqarnissamut ileq-qaakkanik, aningaasarsianit akileraarutit pillugit Inatsisartut inatsisaanni § 39 a, imm. 1-imi 2-milu piumasagaatinik naammassinnittunik, aamma aaqqissuussinernik danskit soraarnerussutisiaqarnissamut aaqqissuussinerit il.il. akileraaruserneqartarnerat pillugu inatsisaanni § 53 A-mi pineqartunik neqerooruteqartut, makku pillugit paasissutissanik nalunaaruteqartarnissaannik isumaqatigiissuteqarfigisinnaavaat:

- 1) kontumik piginnittut ataasiakkaat aqqi, najugaat aamma cpr-normui,
- 2) ukiup aallartinnerani naanerani uningasuutit, aamma
- 3) ukiumi iluanaarutit, tak. § 3.”

**5. § 8-mi imm. 3-tut ilanngunneqarpoq:**

”*Imm. 3.* Naalakkersuisut paasissutissanik tunniussisarneq, akileraarutininik unerartitsisarneq akiliisarnerlu il.il., imm. 1-imi 2-milu taaneqartut pillugit maleruagassanik sukumiinerusunik aalajangersaasinnaapput.”

**6. § 9, imm. 1,** ima oqaasertaqarpoq:

”§ 1, imm. 1-imi aamma § 5-imi piaaraluneerluni mianersuaalliorujussuarluniluunniit unioq-qutitsineq Kalaallit Nunaanni pinerluttulerinermik inatsimmi maleruagassat malillugit akiliisitsinermik pineqaatissiissutigineqarsinnaavoq.”

**7. § 11** ima oqaasertaqarpoq:

” **§ 11.** Inatsisartut inatsisissaat ulloq 1. januar 2018-imi atuutilissaaq.”

## § 2

Inatsisartut inatsisissaat 1. juli 2018-imi atortuulissaaq.

*Imm. 2.* Inatsisartut inatsisissaat ukiumit aningaasarsiorfiusumit 2018-imiit atuutissaaq.

*Namminersorlutik Oqartussat, ulloq xx. xxx 2018*

Kim Kielsen